



T. BRAHE


Nic. Kaasio.

1585.



Early European Books. Copyright © 2010 ProQuest LLC.
Images reproduced by courtesy of the Royal Library, Copenhagen.
LN 427 2°





Early European Books, Copyright © 2010 ProQuest LLC.
Images reproduced by courtesy of the Royal Library, Copenhagen.
LN 427 2°



Early European Books, Copyright © 2010 ProQuest LLC.
Images reproduced by courtesy of the Royal Library, Copenhagen.
LN 427 2°



Early European Books, Copyright © 2010 ProQuest LLC.
Images reproduced by courtesy of the Royal Library, Copenhagen.
LN 427 2

44. - 106.


Box

DA

LN 427

M





MAGNIFICO, AMPLISSIMO
NOBILISSIMOQUE VIRO, SAPIEN-
TIA DOCTRINA OMNIMODAQVE VIRTUTE
PRÆEMINENTI, D. NICOLAO KAASIO,
DOMINO DE TAARVP, REGIÆ MAIESTA-
TIS DANIÆ CANCELLARIO ET CONSILIARIO PRVDEN-
TISSIMO, VTILITATIS ET TRANQVILLITATIS
PVBLICÆ SVASORI, CONSERVATORIQVE
FIDELISSIMO, AMICO SVO INPRIMIS
✠ OBSERVANDO: ✠

Am Venerande tibi fuerat Mens scribere KAASE,
Iamq; erat in calami charta parata notas,
Vnde sed incepti mihi Carminis effluat ordo,
Dum dubito, vt meritis par queat esse tuis:
En supero veniens mox se patefecit Olympo
VRANIA, agnoui, nam mihi visã prius,
Quæ propè consistens, verbis dignatur amicis,
Noster Alumne, adeò quid meditaris? ait;
Mox ego sic, posita refero formidine, namq;
Alloquio est facilis, si cuj nota satis.
Dic mihi Diua Polj, celsum quæ nomen Olympo
Accipis, Ingenij cura laborq; me;
Cuius & Augusto de Nomine, conspicit Edes,
Parua vbi Huxna jacer, DANIA clara, nouas,
Parua sit illa licet, tamen hæc tibi dedita Sacra,
Qualia vix magnus continet Orbis, habet;
Dic agè, quæ Cælum Dea circumuoluis & Astra,
Vndè vides toto quæ quis in Orbe gerat,
Estnè aliquis, Boreum quã DANIA vergit in Arcton,
Inter conspicios Nobilitate Viros,
Qui magis aspiret Studijs, foueatq; Camœnas,
Qui Virtute magis, Consilioq; valet,
Quam qui NICOLEVS fertur cognomine KAASVS:
Cuj datur à DANO Rege secundus Honor;
Huic ego, dum meditor preslum transmittere Carmen,
Quale feret Typis Huænula parua suis,
ut Benefacta viri, Meritiq; amplissima moles,
Vnde vel incipiam, quæ potiora canam,
Distrahere, atq; Animum partes diuellere in omnes,
Dum poterint, Elegis imposuere moras;
Tu facilis, nostrum potius Dea, dirige Carmen,
Saltè aliqua vt liceat reddere grata Viro.

Sic ego, demissa Diuam sum voce precatus,
 Illa sed hæc roseo protinus ore refert:
 Res accepta adeò, quam nunc meditaris Alumne,
 Est mihi, quod nihil hac gratius esse queat:
 Cumq; Arcana mihi pateant, ego conscia quidnam
 Mente agites, votis spontè propinquo tuis:
 Promotura etiam veluti petis, & tibi faxim,
 Carmina dictabit nostra Thalia soror:
 Ipsa ego Materiam facili præbebo Camænæ,
 Sufficiens Elegis Ipsa ego Carmen ero;
 Tu modò nostrorum, reuocans, memor esto Laborum;
 Hosq; illi, tibi me sic referente, refer.
 En ego quæ incedo Superis gratissima Diuis,
 Maxima Pieridum, primaq; Nata Iouis:
 Sum profuga in Terris, varièq; hæc pector & illac,
 Vt nequeam firmos figere lassa pedes;
 Æthiopes, Indos, Arabes, Chaldaica regna,
 Ægyptum, Graios, Ausoniumq; solum,
 Hispanos, Gallos & Teutona rura pererro,
 Nec tamen inuenio quæ mihi tuta quies;
 Vsq; adeò, Lucrum, Leuitas, Inscitia, Luxus,
 Mars ferus, in mundo, Babariesq; vigent;
 Ast ego, quæ terris Noctemq; Diemq; ministro,
 Cumq; suis Annos Mensibusq; ires sino,
 Quæ Lucem tribuo rebus, viuumq; Calorem,
 Et generans foueo totius Orbis Opes,
 Nam sine me Tellus, sine me nil procreat Æquor,
 Antiquum repetant me sine cuncta chaos,
 Nullum Animal viuens Orbi superesset, & Ipse,
 Ipse Homo frustra oculos Sidera ad alta gerat:
 Attamen in Terris spernor, mea Sacra profanant,
 Conculcantq; homines, exulat omnis honos,
 Idq; diu tuleram, donec pertæsa, Parenti
 Conquesta, his breuibus, sum p̄dibunda, Ioui.
 Iuppiter alme Parens, nostro succurre dolori,
 Exilium in terris, Te Patre nata, fero.
 Has licet includam, tamen hinc excludor vbiq;,
 Ne tua sic spernar Filia, perfer Opem;
 His dictis, tacui, & lacrimantia lumina tersi,
 Ille leuat verbis, Spemq; fouere iubet.
 Esto animo mea Nata bono, licet vndiq; pulsa es,
 Quæ terra Australj torrida Sole calet:
 Non tamen experta es, Boreæ quid frigora condant
 Fortè tibi Arctoo restat inorbe Decus;

Hic tibi prospexi Iuuenem, cui Sidera curæ,
 Per quem, crede, tuus restituetur Honos;
 Tantus Amorq; tui est, Patriam vt charosq; Penates,
 Ne tua non curet, deseruisse velit;
 Ipse sed Arctoo suggesti in pectora Regi,
 Ne Iuuenem è Patria, cum volet, ire sinat:
 Namq; ibi decreui (velut & mea Sacra sub Arcton
 Intemerata manent) te quoq; Nata coli.
 Annè vides, oculis totum quæ conspicis Orbem,
 DANIA quâ Boreuni spectat aquosa Polum,
 Principium Solidi quod habet, Punctum velut arcum
 Angusto referat Huæcula stricta Freto:
 Hæc licet exigua est, tamen hinc tua Gloria crescet,
 Maior & Australis quam tulit Orbis erit.
 Sic me tum mœstam verbis solatur amicis
 Iuppiter, & dictis pondus inesse facit;
 Nam mox Huæna struit, nostro de Nomine dictam,
 Multa meis Sacris quæ capit apta, Domum;
 Organa conflantur, mihi qualia nulla Vetustas,
 Arte & Sumptu adeò sunt operosa, dedit;
 Talia non olim florens Ægypte parabas,
 Astra tibi quamuis semper amæna micent,
 Siue ea Thymochares, tibi seu construxit Hyparchus,
 Auxerat hoc ingens seu PTOLEMÆVS Opus;
 Syria non similes, hæc ALBATEGNIVS illic
 Hoc Aracensis agat, strauit in Astra vias;
 Tam Syracusa altas neq; struxit ad Æthera Scalas,
 Archimedis enim negligit ista labor;
 Roma quidem Mundi fuerat Caput, haud tamen ausa est
 Tanta, vel auxilijs ô Menelae tuis;
 Rex licet ALPHONSVS, Mauros, Arabes, & Iberos
 Iunxit, vt immensis sumptibus Astra notent,
 Non tamen obtinuit, numeris vt Sidera quadrent,
 Scilicet his medijs non satis auctus erat;
 Is quoque qui nostræ nuper COPERNICVS Arti,
 Creditur extremas imposuisse manus,
 Vir sanè immensus, tua laus Germania, Cælo
 Proxima, vix tantum sustinuisset Onus.
 Non tamen aspernor veterum Monumenta Laborum;
 His sine namq; meus non reparatur Honos;
 Id saltem doleo, non sat subtiliter olim,
 Sed nimium latis Astra notata modis;
 Ergo vbi conspexi mea surgere Castra sub Arcton,
 Et Boream Australj cedere nolle solo,

Sed niti superare magis, lætabar, & Ipsi
 Sit modò, dicebam, gratia magna Ioui:
 Qui Nate sortem miseratus, liberat illo
 Despectu, quo me tempora longa premunt;
 Iamq; ego, sum veluti Musas præstantior inter,
 Vel majus, vel par, Nomen in Orbe geram;
 Sic mihi non dubios alacris gratabar Honores,
 Lætabarq; quies quod reparata foret.
 Ecce sed Ambitio, Lucrìq; insana cupido,
 Inuidiam alliciunt, te patre Pluto, satam:
 Aduolat hæc, medijs properans è faucibus Orci,
 Quam furor, atq; odium concomitatur atrox.
 Utq; ea Virtutem sequitur velut umbra, cauillis
 Hanc insectatur, vaniloquisq; probris:
 Et solet alterius felici sorte dolere,
 Liuidàq; hinc facies, pallor in ore sedet:
 Pectora felle virent, tegit altum lingua venenum,
 Nulla quies Animo, tam studiosa Mali est:
 Detrahit immeritis, carpendo carpitur vna,
 Dumq; nocere nequit, fit sibi Supplicium;
 Tormentum hæud majus, Siculi inuenere Tyranni:
 Hæc est igniuomo gutture Taurus hians;
 Hanc ambo instigant, licet ad mala quæq; suapte
 Spontè satis facilem, mæq; fugare iubent;
 Forsitan hæc, siquidem nimium Terrestria curant,
 Me præsentè, satis crescere posse, timent;
 Ergo ista insidijs, nec aperto Marte minatur,
 Prætextu potius sueta nocere boni;
 Quæ potuit fecit mala plurima, plura volebat,
 Difficilem reddens Sidera ad alta viam;
 Persuasitq; alijs, noster quod inutilis esset,
 Possibilisq; minus, (tàm fit iniqua) labor;
 Obtinuit fateor, nostra vt Patientia læsa est,
 Penèq; pænuit, quod meditabar Opus,
 Cessissemq; aliò, siquidem latissima Tellus,
 Qua mea spectentur Sidera, vbiq; manet;
 Vndiq; Terra infra est, Cælum patet vndiq; suprâ.
 Omne solum Patria est, cui mea Sacra placent:
 Nilq; noui fieret rursus peregrina petenti,
 Sæpè mouere locum, res benè sueta mihi est;
 Venit at in Mentem, secum clam velle Triumphos
 Mox agere Inuidiam, sic quòd abacta forem;
 Scilicet obscuris Erebi quæ prodijt vmbris,
 Me Ioue prognatam, pellat agatq; Deam?

Dum moror, & mecum dum consulo quid sit agendum,
 Ecce iterum validam Iuppiter addit Opem;
 Huncq; Virum, cui nunc meditaris scribere, certis
 Excitat Is medijs, vt mea damina leuet;
 Propositis namq; Ille bonis prodesse paratus,
 Non sua, sed Patriæ commoda semper agit;
 Vndè illi multum debebit Patria, quando
 Multa alij Patriæ: Quis magè diues erit?
 Hoc florente Viro, nullis obnoxia damnis,
 DANIA floresces, hoc abeunte, caue;
 Optima Consilijs iuuat, & mala quæq; repellit,
 Huncq; loco chari Patria Patris habet;
 Cumq; sit huic ingens & multa Scientia Rerum,
 Nostra etiam digno Sacra in honore fouet;
 Et licet his, teneris non est imbutus ab annis,
 (Nam quis par Studijs omnibus, vnus erit?)
 Attamen, Historias gestarum ab origine Mundi
 Dum recolit rerum, fit memor inde mei:
 Hincq; videt, quanta me Sedulitate Verustas
 Excoluit, quanto tunc in Honore fui;
 Vsq; adeò, vt solis fuerit fas Regibus, Astra
 Excelsa Ingenio supposuisse suo;
 Proxima tangentes Cælo fastigia Rerum,
 Regales animos scilicet Astra decent;
 Testes, Aïdoos, Persæus, & Pulcher Orion.
 Arctophylax, Cepheus, Chyron, & Heniocus:
 Qui proprio Stellis de nomine, nomina signant,
 Vnde erit illorum Fama cœua Polo;
 At quia non parua Reges Respublica mole
 Aggrauat, & crebrò belliger hostis adest:
 Mox in more fuit, si quos Natura monebat,
 Astrorum celsas exuperare vias,
 Illos sponte sua, Patriâ vt Regesq; iuuarent,
 Sumptibus vt magnis Sidera celsa notent;
 Id nisi fecisset veterum Solertia Regum,
 Mensibus atq; Annis quæ modò Meta foret?
 Gestarum fieret nunc quanta obliuio rerum?
 Quantâq; Barbaries? Quale & in Orbe chaos?
 Non Hominum â brutis Animantibus ista fuisset
 Dispar conditio, fortè caduca magis:
 Pronius his Terram spectarent, quos Deus altè
 Iusserat, excelsum tollere ad Astra caput.
 Hæc, & plura alias, quæ Mundo incommoda cedant,
 Si perspecta Homini Sidera nullâ forent,

Hic Vir prospiciens, velut Experientia Rerum
 Indidit, hoc Patria nolit abesse Decus:
 Sed velut hanc multum præclaris Artibus ornat,
 Patronus Studijs dum cupit esse bonis:
 Sic quòq; sic nostram, reliquis quæ celsior, Artem,
 Exilium è Patria non tulit Ille pati;
 Vnus enim nobis Suadendo restituit Rem,
 Hanc qui iacturam cerneret, vnus erat;
 Reppulit Inuidiam, quæ nunc pudefacta sub antris,
 Rodat vbi tacito corda dolore, latet;
 Effecitq; adeò mea DANIA Castra sub Arcton
 Vt locet, & Studijs clareat aucta meis:
 Quod nunc HVÆNA mihi deuotas struxerit Edes,
 Vranæq; Artes ingeniosa colat,
 Et mihi quod Boreas nunc Organa tanta pararit,
 Quanta nec Australi cernere in Orbe licet,
 Me debere illi fateor: quia plurima causa est,
 Quod meus in Patria detineatur Honos;
 Si quid venturis mea Sidera certius Annis
 Ostendent, veluti Spes mihi magna subest:
 Semita si penitus pateat Mortalibus olim,
 Qua vehitur Phœbus, quamq; Diana rotat:
 Perspectum fuerit reliquis, si quandò, Planetis,
 Dum variant cursus, qualis amussis inest:
 Fixaq; si toto constabunt Sidera cælo,
 Error vt illorum, non sit, vt antè, locis,
 Huic Vni acceptum referant, Huic omnia debent,
 Quos agit Astra Poli scandere, celsus Amor;
 DANIA quod, nostris renouatis Artibus, ingens
 Nomen ab æterna Posteritate feret,
 Huic tribuat: nec enim foret istis laudibus aucta,
 Solus Is, hoc tantum ni tueretur Optus;
 Ergo erit illius notissima Fama per Orbem,
 Vndiq; quâ Populis Sidera clara micant;
 Nec saltem Patriam quod honestis ornat, & auget
 Consilij, quò sit Publica tuta quies,
 Sed quòq; quod nostros non dedignatur Honores,
 Haud minor hinc ipsum Gloria, fortè, manet;
 Nam, (mihi si qua fides quæ Cœlica Fata gubernò,)
 Non sua Laus vllò est interitura die;
 Transiget in Terris seros feliciter Annos,
 Et Regi, & Populo semper amatus erit:
 Dum viuet, sua durabit gratissima cunctis,
 Et bona post cineres Fama superstes ager,

Iamq; Senex, tandem celfo maturus Olympo
 Accedens, Superis Accola gratus erit.
 Hæc sunt quæ volui, tibi perſcribenda referre,
 Hæc reuocans, preſſis mitte legenda notis:
 Preſſius illa VIRI maneant vt condita Mente,
 Et nunquam meus hinc dimoueatut Amor;
 Nomine ferq; meo Grates, quod noſtra tuetur,
 Et fouet, è Patria non abigenda, Sacra;
 Perſtet vt incepit, noſtros conſeruet Honores,
 Vt mihi perpetuò DANIA Thura ferat;
 Donec ſublimi radiabunt Sidera cælo,
 Hinc pariter radians Nomen in Orbe geret;
 Cumq; alijs referam, mea qui Monumenta probarit,
 Inter præcipuos Iſ numerandus erit:
 Aternasq; illi non ceſſans dicere Grates,
 Ex Animo, & toto Corde fauente, colam.
 Hæc vbi finierat, ſuperum repetiuit Olympum
 VRANIA, vt ſolitis Legibus Aſtra regat.
 Quumq; ego ſim Diuæ, velut ipſa fatetur, Alumnus,
 Quæ mihi mandauit, non tacuiſſe licet;
 Sed pariter refero, velut hæc Dea rettulit ipſa,
 Dij faciant vt non diſplicuiſſe queant.
 Iam tibi, quod ſupereſt, Vir longè ampliſſime, Grates
 præſentis, quæ me mea nouit, ago;
 Cumq; referre ſatis nequeam, memor eſſe ſtudebo,
 Alma mihi donec Vita ſuperſtes erit;
 Vtq; tibi conſtet, non friuolâ dicta fuiſſe
 VRANIÆ, quibus hunc extulit illa locum,
 Aſtrorumq; vijs ſint Organa quanta parata,
 Hic vbi HVÆNA arcto cingitur alta mari,
 Te rogo, vt eſſe velis nobis gratiſſimus Hoſpes,
 Quamprimum, adducto Vere, recedit Hyems,
 Id quia pollicitus dudum es, audacius oro,
 Noſtraq; nec dubito quin rata Vota ſient.
 Iamq; Elegis leuibus ne te magè Seria agentem
 Derineam, Felix, Incolumisq; Vale.

Darum VRANIBVRGI
 Kalend: Ianuarij Anno 1585.

Tui obſeruantijſ.

TYCHO BRAHE.

Carmina Dyckensis
libre.



